



Ysgol Gyfun Gymunedol

Penweddig

Pecyn gwybodaeth

Athro/Athrawes Gwyddoniaeth (Bioleg)

cytundeb 0.6, cyfnod mamolaeth

Cymreictod

Parch

Ymdrech

Graddfa Gyflog Athro Cymwysedig

(£33,731 - £51,942)

Dyddiad cau: 3 Mawrth 2026



SWYDD ATHRO/ATHRAWES GWYDDONIAETH (BIOLEG)

Annwyl Ymgeisydd

Diolch am fynegi diddordeb yn yr hysbyseb am y swydd hon ym Mhenweddig.

Mae Penweddig yn ysgol lwyddiannus, sydd â hanes o welliant a datblygiad. Mae nifer sylweddol o'n disgyblion yn sicrhau canlyniadau TGAU a Safon Uwch sydd yn uwch nag ysgolion cyffelyb. Mae ymddygiad ein disgyblion yn dda iawn, ac mae ganddynt ymagwedd bositif ac ysgogol at ddysgu. Cyniga'r ysgol gwricwlwm eang a chytbwys gydag ystod gyfoethog o weithgareddau allgyrsiol a hynny mewn amgylchedd Gymraeg a Chymreig. Mae Penweddig yn ysgol hapus, ofalgar a chynhwysol. Cydnabuwyd hyn yn ystod [Arolwg Estyn](#) llwyddiannus diweddar yr ysgol yn Hydref 2024:

"Mae gofalu am les disgyblion yn cael lle blaenllaw yn Ysgol Gyfun Penweddig. O ganlyniad, mae llawer o ddisgyblion yn arddangos parch at ei gilydd ac agweddau cadarnhaol at eu dysgu. Mae disgyblion y chweched dosbarth yn gaffaeliad i'r ysgol, gan fodelu ymddygiadau ac agweddau cadarnhaol iawn i ddisgyblion iau. Mae trefniadau cadarn i fonitro a hybu presenoldeb disgyblion wedi arwain at welliannau sylweddol." (Estyn Hydref 2024)

Lleolir yr ysgol yng nghanol tref brifysgol fywiog Aberystwyth. Ymfalchiwn yng nghyfleusterau ac adnoddau o'r radd flaenaf sydd gennym ym Mhenweddig. Golyga hynny y bydd yr ymgeisydd llwyddiannus yn dysgu mewn ystafell ddysgu bwrpasol. Am flas o'r ysgol ewch i ymweld â [gwefan](#) yr ysgol neu wyllo ein [fideo](#) hyrwyddo.

Os ydych angen unrhyw wybodaeth ychwanegol, mae croeso i chi gysylltu â ni naill ai drwy ffonio'r ysgol (01970 639499), neu drwy e-bost at ymholiadau@penweddig.ceredigion.sch.uk.

Hyderaf bydd y pecyn gwybodaeth hwn yn rhoi syniad da i chi o gyd-destun y swydd.

Y dyddiad cau ar gyfer derbyn ceisiadau yw 3 Mawrth 2026.

Bwriedir cynnal y cyfweiliad yr wythnos ganlynol, sef yr wythnos yn cychwyn 9 Mawrth 2026.

Yn gywir

Clive Williams

Pennaeth



DISGRIFIAD SWYDD

ATHRO/ATHRAWES GWYDDONIAETH (BIOLEG) cytundeb 0.6, cyfnod mamolaeth

Graddfa Gyflog Athro Cymwysiedig: £33,731 - £51,942

CEFNDIR

Mae'r ysgol yn chwilio am berson egniol a deiniol gyda'r wybodaeth a'r sgiliau i ymgymryd â swydd addysgu Gwyddoniaeth, gydag arbenigedd Bioleg yn ddymunol, dros gyfnod mamolaeth o 1 Medi 2026. Bydd yr ymgeisydd llwyddiannus yn ymuno â grŵp o athrawon brwdfrydig sy'n awyddus i ddarparu'r addysg orau i ddisgyblion o flwyddyn 7 i 13. Yn rhinwedd y swydd, bydd yr ymgeisydd llwyddiannus yn ysbrydoli ac yn cefnogi cydweithwyr a disgyblion i barhau i godi safonau y gyfadrannau wyddoniaeth drwy ymarfer arloesol ac yn ymrwymedig i godi cyflawniad pob disgybl. Yn ogystal, bydd gweddill amserlen y deiliad llwyddiannus i'w drafod ymhellach yn ôl sgiliau a gwybodaeth yr ymgeisydd.

Mae'r swydd hon yn addas i athrawon sydd newydd gymhwyso neu sydd yn y broses o gymhwyso yn ystod y flwyddyn. Mae rhaglen cefnogaeth gynhwysfawr ar gael i athrawon newydd gymhwyso. Yn ogystal, gall fod cyfle i ymgeisydd addas ddilyn cynllun TAR Cyflogedig Partneriaeth AGA y Brifysgol Agored i gymhwyso fel athro cymwysiedig.

Disgwylir i'r ymgeisydd llwyddiannus chwarae rhan weithredol i hyrwyddo nodau ac amcanion yr ysgol o Gymreictod, Parch ac Ymdrech.

DISGWYLIADAU

Bydd yr ymgeisydd llwyddiannus yn cwrdd â holl ddisgwyliadau y safonau proffesiynol ar gyfer athrawon wrth eu gwaith.

DYLETSWYDDAU

Yn atebol i: Pennaeth Cyfadrannu Yr Adran Wyddoniaeth

- Cyflawni dyletswyddau athro pwnc yn unol â'r safonau proffesiynol ar gyfer addysgu ac arweinyddiaeth
- Paratoi, datblygu a chyflwyno gwersi yn y pwnc priodol yn unol â chynlluniau gwaith y gyfadrannu
- Monitro a chofnodi perfformiad disgyblion
- Meithrin a chynnal safonau uchel o ran ymdrech a disgyblaeth ymysg y disgyblion
- Annog dysgu effeithiol drwy ddefnyddio adborth ffurfiannol ynghyd â phennu targedau clir ar gyfer y dosbarth a gwaith cartref
- Cyfrannu at waith datblygu'r gyfadrannu, o ran llunio cynlluniau gwaith, deunyddiau a.y.b.
- Tiwtor Dosbarth
- Mynychu nosweithiau rhieni
- Glynu wrth a chefnogi polisiau'r Ysgol
- Meithrin awyrgylch o barch o fewn a thu hwnt yr ystafell ddosbarth
- Creu a chynnal amgylchedd ddysgu ysgogol

O bryd i'w gilydd, bydd disgwyl i chi ymgymryd â dyletswyddau eraill rhesymol o dan gyfarwyddyd Pennaeth y Gyfadrannu hyd at lefel sy'n gymesur â phrif ddyletswyddau eich swydd.

Y DDARPARIAETH GWRICWLAIDD BRESENNOL

Mae gwyddoniaeth yn bwnc creiddiol a phwysig yng nghwricwlwm pob disgybl o flwyddyn 7 hyd at 11.

Addysgir Mathemateg a Gwyddoniaeth yn ddwyieithog ond mae'r asesiadau/arholiadau trwy gyfrwng y Gymraeg neu'r Saesneg yn ôl dymuniad y disgybl a'i rieni.

Yng nghyfnod allweddol 4 (TGAU) addysgir Gwyddoniaeth Driphlyg a Gwyddoniaeth Ddwyradd. Darperir Bioleg, Cemeg a Ffiseg i safon uwch gyfrannol a safon uwch. Mae'r pynciau gwyddonol ymhlith y pynciau poblogaidd yn y Chwched Dosbarth.

Mae gan y gyfadrannu hon hanes llewyrchus am ei llwyddiannau academaidd a'i chyfleoedd allgyrsiol cyfoethog. Cyniga'r swydd arbennig hon y sialens i adeiladu ar y sail gref sydd eisoes yn bodoli ac i ddylanwadu ar ddatblygiad y gyfadrannu i'r dyfodol.

Disgwylir i'r athro/athrawes newydd gyfrannu at weledigaeth yr ysgol o ran dysgu ac addysgu ac i wireddu gwerthoedd creiddiol yr ysgol.



MANYLEB PERSON

HANFODOL		DYMUNOL
CYMWYSTERAU	- Statws cymwysedig fel athro/athrawes neu wedi derbyn ar raglen TAR Cyflogedig Partneriaeth AGA y Brifysgol Agored - Gradd berthnasol mewn pwnc sy'n berthnasol i'r maes/meysydd cwricwlaidd penodol	
PROFIAD	- Gwybodaeth bynciol eang a pherthnasol - Profiad addysgu llwyddiannus - Y gallu a'r parodrwydd i addysgu'r pwnc hyd at TGAU a/neu Safon Uwch	Tystiolaeth o ymarferydd a berchir yn yr ystafell ddosbarth gan Ysgol arall (yn ychwanegol i brofiad ymarfer dysgu pan yn fyfyrwr/myfyrwraig)
SGILIAU A RHINWEDDAU PERSONOL	- Y gallu i gyfathrebu'n llawn drwy'r Gymraeg - Sgiliau rhyngpersonol da - Ymrwymiad i feithrin cefnogaeth i holl ehangder Cymreictod a'r pwnc drwy'r ysgol gyfan - Y gallu i ysbrydoli plant a phobl ifanc i ymgyrraedd at eu potensial llawn o fewn awyrgylch gyfeillgar a hunan ddisgybledig - Ymarferydd hunan feirniadol sydd am fod yn flaengar mewn cynlluniau gwella ysgol parhaus - Trefnus a chyda'r gallu i weithio gyda thîm o athrawon mewn blaengarwch gwella adran ac ysgol	- Sgiliau TGCh - Y gallu a'r parodrwydd i hybu proffil yr Ysgol o fewn y gymuned leol a chenedlaethol
ERAILL	- Cofrestriad Cyngor y Gweithlu Addysg - Cydymffurfio â safonau proffesiynol ar gyfer addysgu ac arweinyddiaeth - Gwiriad DBS manwl	

DIOGELU: DATGANIAD CYNGOR SIR CEREDIGION

Mae diogelu ac amddiffyn plant yn flaenoriaethau allweddol i ni. Ein nod yw cefnogi plant a phobl ifanc bregus er mwyn sicrhau eu bod mor ddiogel â phosibl. Rydym ni a'n sefydliadau addysgiadol yn cydnabod bod plant a phobl ifanc a'r hawl i gael eu hamddiffyn a byddwn yn cymryd camau i ddiogelu'u lles. Disgwylir i bob aelod staff a gwirfoddolwr rannu'r ymrwymiad hwn a byddwn yn gofyn am Wiriad Manylach y Gwasanaeth Datgelu a Gwahardd (DBS), sef y CRB gynt.

GWNEUD CAIS AM Y SWYDD

Mae modd gwneud cais am y swydd hon drwy gwblhau'r ffurflen gais electroneg oddi ar wefan Cyngor Sir Ceredigion [Addysg | Ceredigion County Council Careers](#)

CYFWELD

Dyddiad cau: **3 Mawrth 2026**

Bwriedir cynnal y cyfweiliad yr wythnos ganlynol, sef yr wythnos yn cychwyn **9 Mawrth 2026**

CEREDIGION AC ABERYSTWYTH

CEREDIGION

Sir arfordirol yng ngorllewin Cymru yw Ceredigion, sydd â phoblogaeth o tua 71,500 (2021). Mae iddi dirwedd odidog sy'n ymestyn o Fynyddoedd y Cambrian i'r arfordir ysblennydd ym Mae Ceredigion. Mae ei threfi sirol a'i phentrefi cefn gwlad yn frith o ddiwylliant a hanes.

Mae economi'r sir yn bennaf ddibynnol ar amaethyddiaeth, twristiaeth a bwyd, ond ceir hefyd sectorau arwyddocaol eraill megis addysg uwch, gwyddoniaeth, ymchwil a datblygu.

ABERYSTWYTH

Aberystwyth yw tref fwyaf Ceredigion. Tref hanesyddol ydyw, a ddaeth yn gyrchfan glan-môr yn oes Fictoria. Mae'n gartref i Brifysgol (un o golegau sylfaenol Prifysgol Cymru), Llyfrgell Genedlaethol Cymru, a Chyngor Llyfrau Cymru.

Mae'r dref wedi chwarae rhan bwysig yn hanes Cymru a'r iaith Gymraeg. Yma yn Aberystwyth, dros 80 mlynedd yn ôl, sefydlwyd yr Ysgol Gymraeg gyntaf yng Nghymru, ac yma hefyd yn 1963 cynhaliwyd protest gyntaf Cymdeithas yr Iaith Gymraeg – protest Pont Trefechan.

Mae nifer o leoliadau i fwynhau perfformiadau theatr, ffilm, cerddoriaeth a chelfyddyd weledol, yn ogystal â chwaraeon. Mae amrywiaeth o siopau annibynnol a llefydd bwyta. Mae marchnad ffermwyr Aberystwyth wedi ei chydabod fel un o'r goreuon ym Mhrydain.

Yn lleol ceir nifer o lwybrau beicio a chanolfannau gweithgareddau awyr agored, fel Nant yr Arian.

Gyda phoblogaeth o tua 12,250, mae Aberystwyth yn le braf i fyw, astudio, gweithio ac i fagu teulu.

